

**ŽEPČE** Firme "Prograd" i "Prograd Holz"

# Polovinu proizvodnje izvoze

Zapošljavaju od 150 do 180 radnika • Moderno opremljen pogon na 7.000 kvadrata za proizvodnju drvene stolarije, namještaja i kuhinja

Građevinsko preduzeće "Prograd" Žepče vlasnika Kasima Badnjara ima dvadesetogodišnju tradiciju uspješnog poslovanja. Do prošle godine djelovali su u dvije poslovne cjeline, građevinarstvu i visokogradnji i finalnoj obradi drveta, odnosno proizvodnji građevinske stolarije.

## Gotovi proizvodi

Od 2015. godine, "Prograd" ima sestrinsku firmu "Prograd Holz" za proizvodnju, trgovinu i usluge.



Proizvodni pogon "Prograda"

Proizvode drvenu i drvo-aluminijsku stolariju, a posjeduju certifikate ISO 9001:2015 i FCS te CE oznaku.

Zapošljavaju od 150 do 180 radnika, od kojih je stotinjak u građevinarstvu, a 70 u proizvodnji. Tehnološki proces je zaokružen, od trupaca do gotovog proizvoda. "Prograd Holz" na površini od 7.000 kvadrata posjeduje moderno opremljen pogon za proizvodnju drvene stolarije, namještaja i kuhinja.

# 15

posto povećan je izvoz ove godine

Osnovna djelatnost "Prograda" je proizvodnja vrhunske vanjske i unutrašnje stolarije, u deset tipova. Proizvodi su od drveta, kombinacije drveta i aluminijska, kao i PVC. Polovina proizvodnje plasira se na evropsko tržište, saznajemo

do Ilijaza Hadžavdića, menadžera prodaje.

## Domaće tržište

- Ne zaostajemo za evropskim vrhunskim proizvođačima, a naše cijene su duplo niže. Dokaz je povećanje izvoza ove godine za više od 15 posto. Prisutni smo na tržištu Holandije, Austrije, Hrvatske, Njemačke, Slovenije, dok smo, što se tiče domaćeg tržišta, najviše prisutni u građevinarstvu u Sarajevu - kaže Hadžavdića.

**A. MEMIŠEVIĆ**



Hadžavdić: Kvalitetno, a jeftinije